

Nowy učební materiál za šulske lěto 2010/2011

Annett Džědzikowa

Kaž kóždolětnje je Domowina – Rěčny centrum WITAJ w dobrym zhromadnym dźěle ze šulskej praksu tež za nowe šulske lěto učební materiál za Hornju a Delnju Łužicu wuwil. Do lětneho plana wotryjada wuwijanje rěče/pedagogika při wuzachu so cyłkownje 31 titulow. Z nich předleži hač do spočatka noweho šulskeho lěta 26 titulow, dalše 4 titule maja hač do kónc lěta wuńc a jedyn titul přesunje so dla njepředwidzomneho wulkeho dźěloweho pensuma do lěta 2011.

Při tym jedna so wo 12 druhich nakładow a wo 19 nowowuwicow; nowych učebnicow, dźělowych zešiwkow a přiručkow. Nowowuwica chcu skrótka mjenować. K wobsaham jednotliwych titulow pisaja awtorojo a zamołwite lektorki w aktualnym čisle Serbskeje šule – 3/2010.

Za zakładnu šulu w HŁ nadžělaše so nowa přiručka **Saperliška - Praj to hinak!**. To je synonymowy słowničk a hodži so derje we wurazowej učbje zasadzić. Nowe su tohorunja dźělowe zešiwki za 1. lětnik. Zešiwk **Wuknu a zwučuju pisać** je so aktualizował a wuńdže jónu we šulskim wuchadnym pismje a jónu w čišćanym pismje. Runje tak nowej stej zešiwkaj **Zwučujemy a pisamy 1**. Tež tutej předležitej w šulskim wuchadnym pismje a w čišćanym pismje.

Za předmjet nabožinu wuda so nowa učbnica **Ja tu sym** za 4. lětnik. Z tym je rjad učebnicow za ZŠ kompletne po nowym učbnym planje a zasadach noweho prawopisa nadžěłany.

Skedźbnić chcu tež na 2. nakład učbnicy **Sluchaj, čitaj, powědaj**. W njej je so tójšto změnow přewjedło, temow wuměniło a wobjim je so rozšěrił.

Za srjedźnu šulu a gymnazij nadžěłachu so scěhowace nowowuwica:

Naša maćerščina 6 je nowostka za šulerjow 6. lětnika. Učbnica wuńdže z wotpowědnym zešiwkom **Zwučujemy a pisamy 6**. Rjad čitankow kompletěruje so z **Čitanku 9/10** za srjedźne šule. Za předmjet biologiju stej wušlej učbnicy **Biologija 5** a **Biologija 6**.

Za fachowu učbu wudospołnichu so rjadaj **Domizna a swět** za geografiju w 10. lětniku a **Terra 10** za geografiju na gymnaziju.

Z **Trojozynom 5/6** zahaji so nadžěłanje noweho rjadu za předmjet hudźbu. Rjad so w přichodnych lětach z dalšimi učbnicami wudospołni.

Za šulerjow z Delnjeje Łužicy wuda so dalša wučbnica **Drogi licenja 4** za předmjet matematiku w zakładnej šuli. Nowa je **Terminologija za pśedmjet stawizny** za bilingualnu wučbu na delnjoserbskim gymnaziju. W dalšim, předzěłanym nakładze předležitej dźěłowej zešiwkaj **Gódam a zwucujom serbski** za 4. a 5. lětnik za serbšćinu jako cuzu rěč.

Wosebity dźak słuša na tutym městnje sobudźěłaćerkam wotrjada pedagogika/wuwiwanje rěče. Wone su zhromadnje z awtorami a přełožowarjami, wuhotowarjami a ilustratorami a dalšimi wobdźělenymi nahladnu ličbu najwšelakorišich wuknjenskich a wučenskich materialijow wuwili. Tohorunja dźakuju so Ludowemu nakładnistwu Domowina, kiž je w zwučenej dobrej kwalice knihi wudało.